



UNIVERSITÄTS-
BIBLIOTHEK
PADERBORN

Universitätsbibliothek Paderborn

Metropolis Salisbvr gensis

Continens. Fvndationes Et Erectiones Monasteriorvm, Et Ecclesiarum
Collegiatarum, &c. per Boariam, ac loca quædam vicina

Hund, Wiguleus

Monachii, 1620

Consilij Basilien. Decretum de Annatis & primariis fratribus &c. non
exigendis.

urn:nbn:de:hbz:466:1-13591

Consequenter autem Dominus *Fridericus* id ipsum omnibus ministerialibus suis indulfit hoc superaddito quod toto vitæ suæ tempore hac fungentes libertate ecclesiastica ac licentia & privilegio potiantur, ut Deo inibi deferuituri cū rebus & persona liceat eis se transferre si velint ad aliquod cœnobiorum, quæ sunt prænominata; Dominus autem *Otto* junior Palatinus sub hac forma licentiam id ipsum faciendi suis ministerialibus indulfit quod mediam prædiorum suorum partem indifferenter sicut dictum est prædictis tribus claustris conferre liceret, dereliqua verò media parte nihil nisi super hac requisito suæ voluntatis assensu licitum esse ordinare. Huius ita in nostra præsentia & aliorum, quæ magnæ & probatæ fuerunt personarum ordinatis ad corroborationem rei sic diuino zelo gestæ nostræ auctoritatis sigillum apposuimus aliisque similiter sigillis suis factum confirmantibus.

Hæc autem sunt nomina eorum qui huic ordinationi interfuerunt. Comes *Dyepoldus* de *Lechisgimunde*, Comes *Arnoldus* de *Dacharv*, Comes *Hainricus* de *Altindorf*, Comes *Akmanus* de *Abensperg* & fratres eius: *Eberhartus* *Hoboldus* de *Niederdecke*, *Wernherus* de *Giebisdorf*, *Crafftus* de *Lobinhausen*, *Roto* de *Massingen*, *Vlricus* de *Lapida*, *Levrotoldus* de *Kelheim*, *Sevfridus* *Koph* & alij quam plures.

Consilij Basiliens. Decretum de Annatis & primariis fratribus &c. non exigendis.

Sacrosancta generalis Synodus *Basiliens.* in spiritu sancto legitime congregata vniuersalem ecclesiam repræsentans ad perpetuam rei memoriam. Ea quæ laudabili per nos ordinatione statuta sunt decet ut nostrarum literarum testimonio pandantur de illisq; vbilibet concedantur legitima documenta. Dudum siquidem inter alia statuta & decreta nostra quoddam in sessione nostra publica per nos in maiori Ecclesia *Basiliens.* Anno Domini Millesimo quadringentesimo tricesimo quinto, die Iouis nona mensis Iunii proximè præteriti celebrata solemniter publicatum edidimus in hæc verba.

In nomine Spiritus paracliti statuit hæc sancta Synodus quod tam in curia *Romana* quam alibi pro seu in confirmatione electionum admissione, postulationum præsentationum prouisione, collatione, dispositione, electione, postulatione, præsentatione etiam à laicis facienda institutione, stallatione & inuestitura de ecclesiis etiam Cathedralibus & Metropolitanis, monasteriis, dignitatibus, beneficiis officijsq; Ecclesiasticis quibuscunq; nec non ordinibus sacra & benedictione ac pallio de cætero nihil penitus ante, vel post exigatur ratione literarum Bullæ sigilli Annatarum, communionum & minorum seruiciorum, primorum fructuum deportuum aut sub quocunq; alio titulo colore, vel nomine prætextu cuiusvis consuetudinis, privilegij, vel statuti aut aliâ quavis causa, vel occasione directè, vel indirectè solum scriptoribus abbreviationibus & registraribus litterarum seu minutarum pro ipsorum labore competentis stillario soluendo. Huic autem canoni si quis exigendo, dando, vel promittendo contraire præsumpserit penam incurrat aduersus Symoniacos inflictam & in ipsis dignitatibus & beneficiis taliter obtentis nullum jus ac titulum acquirat. obligationes quoq; promissiones censuræ & mandata & quicquid in præiudicium decreti huius saluberrimi fieri contingeret nullas obtinere vires atq; irrita censeantur & si quod absit *Romanus* Pontifex qui præ cæteris vniuersalium conciliorum exequi ac custodire canones debet aduersus hæc sanctionem aliquid faciendi ecclesiam scandalifet generali concilio deferatur. Cæteri verò pro modo culpæ iuxta canonicas sanctiones per suos superiores digna ultione pun-

niantur. Nos igitur volumus & auctoritate vniuersalis Ecclesie de cernimus quod tenori constitutionis huiusmodi in iudicio & extra vbicunque exhibitus fuerit, vel ostensus in omnibus stari debeat & fides adhiberi. Nulli ergo omnino hominum liceat hanc paginam nostre constitutionis decreti & voluntatis infringere, vel ei ausu temerario contraire. Si quis autem hoc attemptare presumpserit indignationem omnipotentis Dei & vniuersalis Ecclesie se nouerit incursum. Datum *Basilee* Calen. Augusti anno a natiuitate Domini Millesimo quadringentesimo tricesimo quinto.

Johannes Freudenberger.

Confirmatio Papæ *Martini* omnium bonorum
Monasterij.

MARTINVS Episcopus seruus seruorum Dei, dilectis filiis Præposito & Conuentui monasterij beate *Mariæ* in *Vndensdorff*, p. Præpositum solitigubernari ordinis sancti *Augustini Frisingen*, Dioc. salutem & apostolicam benedictionem. Cum a nobis petitur quod iustum est & honestum tam vigor & quitatis quam ordo exigit rationis, vt id per sollicitudinem officij nostri ad debitum perducatur effectum. Eapropter dilecti in Domino filij vestris iustis postulationibus grato concurrentes assensu personas vestras & monasterium vestrum beate *Mariæ* prædictum in quo diuino estis mancipati obsequio cum omnibus bonis quæ in præsentiarum rationabiliter possidetis aut in futurum iustis modis præstante Domino poteritis adipisci sub beati *Petri* protectione suscipimus atque nostra omnes libertates & immunitates à prædecessoribus nostris *Romanis* Pontificibus siue per privilegia, siue per alias indulgentias vobis & monasterio vestro concessas, nec non libertates & exemptiones secularium exactio- num à Regibus & Principibus & aliis Christi fidelibus rationabiliter vobis & eidem monasterio vestro indultas siue eas iuste & pacifice possidetis nobis & per nos eidem monasterio vestro concessas auctoritate apostolica confirmamus & præsentis scripti petrocinio comunimus. Nulli ergo omnino hominum liceat hanc paginam nostre susceptionis, confirmationis & communicationis infringere, vel ei ausu temerario contraire. Si quis autem hoc attemptare presumpserit indignationem omnipotentis Dei, & beatorum *Petri & Pauli* Apostolorum, eius se nouerit incursum. Datum *Rome* apud sanctos Apostolos XIII. Calen. Maij. Pontificatus nostri anno octauo.

Conseruatorium auctoritate *Basilien.* Concilij concessum Mo-
nasterijs in *Scheyrn, Fürstenueld, Münster, Vndensdorff,*
Geysenfeld & Ang. &c.

SACROSANCTA generalis synodus *Basilien.* in spiritu sancto legitime congregata vniuersalem Ecclesiam representans, dilectis Ecclesie filiis Abbati Monasterij beate *Mariæ* virginis alijs *Scotorum Wienn, Patavien.* Dioc. Præposito *Salzburgen.* ac Decano *Augusten.* salutem & omnipotentis Dei benedictionem. Ad compescendos conatus nepharios peruersorum, qui personas & loca Ecclesiastica super bonis & iuribus suis offendere & multipliciter perturbare molestis non verentur tanto magis per nos decet oportuno remedio providere quanto per amplius turbationes huiusmodi & molestie in diuine maiestatis offensam, nec non Ecclesie libertatis redundare dispendium dinoscuntur.

Dudum